

水
經
注
釋

水
經
注
釋

水經注釋卷二十八

水經注釋卷二十八

仁和趙一清誠夫錄

沔水下

沔水又東過襄陽縣北

沔水又東逕方山北

一清按初學記太平御覽引注文作萬山元和郡縣志寰宇記並是

萬字廣韻集韻萬同萬傳寫作方也

山上有鄒恢碑

沈氏曰晉書鄒恢鎮襄陽得民和鄒恢疑

是鄒恢之誤

魯宗之所立也山下潭中有杜元凱碑元凱好

尚後名作兩碑竝述已功一碑沈之峴山水中一碑下

之於此潭曰百年之後何知不深谷為陵也山下水曲

之隈云漢女昔遊處也故張衡南都賦曰遊女弄珠於

漢臯之曲漢臯卽方山之異名也沔水又東合檀谿水
水出縣西柳子山下東爲鴨湖湖在馬鞍山東北武陵
王愛其峯秀改曰望楚山谿水自湖兩分北渠卽谿水
所導也北逕漢陰臺西臨流望遠按眺農圃情邈灌蔬
意寄漢陰故因名臺矣又北逕檀谿謂之檀谿水水側
有沙門釋道安寺卽谿之名以表寺目也谿之陽有徐
元直崔州平故宅悉人居故習鑿齒與謝安書云每省
家舅縱目檀谿念崔徐之交未嘗不撫膺躊躇惆悵終
日矣谿水傍城北注昔劉備爲景升所謀乘的顱馬西
走墜下斯谿西去城里餘北流注于沔一水東南出應

劭曰城在襄水之陽故曰襄陽也是水當卽襄水也清

按樂史曰荆楚之地水駕山而上者皆呼爲襄其名無定故陸澄之地記曰襄陽無襄水也城北枕

沔水卽襄陽縣之故城也王莽之相陽矣楚之北津戍

也今大城西壘是也其土古鄢郢盧羅之地秦滅楚置

南郡號此爲北部焉建安十三年魏武平荊州分南郡

立爲襄陽郡荊州刺史治邑居隱賑冠蓋相望一都之

會也城南門道東有三碑一碑是晉太傅羊祜碑一碑

是鎮南將軍杜預碑一碑是安南將軍劉儼碑竝是學

生所立城東門外二百步劉表墓太康中爲人所發見

表夫妻其尸儼然顏色不異猶如平生墓中香氣遠聞

三四里中經月不歇今墳冢及祠堂猶高顯整頓城北
枕沔水水中常苦蛟害襄陽太守鄧遐負其氣果拔劍
入水蛟繞其足遐揮劍斬蛟流血丹水自後患除無復
蛟難矣昔張公遇害亦亡劍于是水後雷氏爲建安從
事逕踐瀨溪所畱之劍忽于其懷躍出落水初猶是劍
後變爲龍故吳均劍騎詩云劍是兩蛟龍張華之言不
孤爲驗矣庾林曰茂先遇害在雒安得亡劍沔流考雷次宗豫章記曰張公遇害劍飛入襄城水中
郡國志曰南郡在雒陽南千五百里有襄陽縣潁川在雒陽東南五百里有襄城縣酈氏蓋誤以襄城水爲襄陽水也何氏曰道元與吳均同時安得引用其詩疑此書後人附益者多矣一清按南史吳均傳天監初柳惲爲吳興召補主簿當道元之時均名位尚輕沔水又逕
文字水必遂行江外義門之言可謂精審矣

平魯城南城魯宗之所築也故城得厥名矣全氏曰城

築然則何以云平魯也或是東對樊城仲山甫所封也

宗之北奔後劉宋以此名之全氏曰仲山甫所封之樊在河內所謂

陽樊者也非此樊也此城因樊山爲名漢晉春秋稱桓

帝幸樊城百姓莫不觀有一老父獨耕不輟議郎張溫

使問焉父笑而不答溫因與之言問其姓名不告而去

城周四里南半淪水建安中關羽圍于禁于此城會沔

水泛溢三丈有餘城陷禁降龐惠奮劍乘舟投命于東

岡魏武曰吾知于禁三十餘載至臨危授命更不如龐

惠矣城西南有曹仁記水碑杜元凱重刊其後書伐吳

之事也

又從縣東屈西南清水從北來注之

襄陽城東有東白沙白沙北有三洲東北有宛口

一清按通

典樊城有宛水故有宛口之名

卽清水所入也沔水中有魚梁洲龐德

公所居士元居漢之陰在南白沙世故謂是地爲白沙

曲矣司馬德操宅洲之陽望衡對宇懽情自接泛舟褰

裳率爾休暢豈待還桂柁于千里貢深心于永思哉水

南有層臺號曰景升臺蓋劉表治襄陽之所築也言表

盛遊于此常所止憩表性好鷹嘗登此臺歌野鷹來曲

其聲韻似孟達上堵吟矣沔水又逕桃林亭東又逕峴

山東山上有桓宣所築城孫堅死于此又有桓宣碑羊

祐之鎮襄陽也與鄒潤甫嘗登之及祐薨後人立碑於
故處望者悲感杜元凱謂之墮淚碑山上又有征南將
軍胡羆碑又有征西將軍周訪碑山水中杜元凱沈
碑處沔水又東南逕蔡洲漢長水校尉蔡瑁居之故名
蔡洲洲東岸西有洞湖停水數十畝長數里廣減百步
水色常淥楊儀居上洞楊顥居下洞

一清按松陵集皮日休答陸龜蒙讀

襄陽耆舊傳詩云偉哉洞上隱卓爾隆中靜即指儀顥
所居之地集韻洞烏猛切音管郭璞江賦泓沔洞淥李
善註曰水勢回旋之貌與洞字義同而聲畫殊也豈唐
人所見之耆舊傳作洞字耶又按武昌縣有大小回乃
大江回曲處元次山有歌曰樊水欲東流大江又北來
樊山當其南此中爲大同叢石橫大江人云是釣臺水
石相衝擊此中爲與蔡洲相對在峴山南廣昌里又與
小回同即洞也

襄陽湖水合水上承鴨湖東南流逕峴山西又東南流注白馬陂水又東入侍中襄陽侯習郁魚池郁依范蠡養魚法作大陂陂長六十步廣四十步池中起釣臺池北亭郁墓所在也列植松篁于池側沔水上郁所居也又作石洑逗引大池水於宅北作小魚池池長七十步廣二十步西枕大道東北二邊限以高隄楸竹夾植蓮芡覆水是遊宴之名處也山季倫之鎮襄陽每臨此池未嘗不大醉而還恆言此是我高陽池故時人爲之歌曰山公出何去往至高陽池日暮倒載歸酩酊無所知其水下入沔沔水西又有孝子墓河南秦氏性至孝事

親無倦親沒之後負土成墳常泣血墓側人有咏蓼莪者氏爲泣涕悲不自勝于墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石爲大鹿狀甚大頭高九尺制作甚工沔水又東南逕邑城北習郁襄陽侯之封邑也故曰邑城矣沔水又東合洞口水出安昌縣故城東北大父山西南流謂之白水又南逕安昌故城東屈逕其縣南縣故蔡陽之白水鄉也漢元帝以長沙卑溼分白水上唐二鄉爲春陵縣光武卽帝位改爲章陵縣置園廟焉魏黃初二年更從今名故義陽郡治也

一清按漢志汝南郡安昌南陽郡春陵本二縣也晉

志云武帝平吳分南陽置義陽郡地形志云義陽郡魏文帝置後罷晉武帝復寰宇記云義陽郡居安昌城又云石城山山甚高峻卽呂氏春秋九塞之一也晉于山上置義陽郡其故城在今信陽州西北七十里春陵續志有晉志無時則省廢矣章陵縣後漢嘗立爲郡劉表之擅荊州拜蒯越爲章陵太守見魏書劉表傳注魏武紀亦云建安二年南陽章陵諸縣復叛爲張繡是也逮平荊州得其地嘗以趙儼爲章陵太守而後無聞顧景范曰章陵曹魏時省入蔡陽水經注魏黃初二年更章陵爲安昌縣誤也雖然猶有說西魏嘗置安昌郡并春陵縣于此蓋道元身後之事然則此文又是後來不學人所填補故逃繆其詞以拓跋爲當塗也白水

又西南流而左會昆水水導源城東南小山西流逕金

山北

一清按金山見淮水注

又西南流逕縣南西流注于白水水

北有白水陂其陽有漢光武故宅基址存焉所謂白水

鄉也蘇伯阿望氣處也光武之征秦豐幸舊邑置酒極

懽張平子以爲真人南巡觀舊里焉東觀漢記曰明帝
幸南陽祀舊宅召校官子弟作雅樂奏鹿鳴上自御塤
箎和之以娛賓客又于此宅矣白水又西合澧水水出
于襄鄉東北陽中山西逕襄鄉縣之故城北按郡國志
是南陽之屬縣也澧水又西逕蔡陽縣故城東西南流
注于白水又西逕其城南建武十六年世祖封城陽王
祉世子本爲侯國沈氏曰范史是十三年封應劭曰蔡水出蔡陽東
入淮一清按自洞口以下所合之昆水見汝水篇定陵縣下澧水見上卷陽平關下此又以蔡水當白水
蔡本見泚水篇三水各有源流不得如酈所云今于此城南更無別水唯是水
可以當之川流西注苦其不東且淮源岨礙山河無相

入之理蓋應氏之誤耳

一清按道元之言誤矣蓋仲瑗所謂入淮之淮卽下經文出房

陵淮山之淮漢中廬故城在今襄陽府南漳縣東五十里蔡陽故城在棗陽縣西六十里二城相距不遠自有可達之勢今注云云直誤認作出桐

柏大復山之淮濱故以應說爲非也洞水又西南流注

于沔水

又東過中廬縣東淮水自房陵縣淮山東流注之

縣卽春秋廬戎之國也縣故城南有水出西山山有石

穴出馬謂之馬穴山漢時有數百匹馬出其中馬形小

似巴滇馬三國時陸遜攻襄陽于此穴又得馬數十匹

遂建業蜀使至有家在滇池者識其馬毛色云其父所

乘馬對之流涕

一清按劉昭郡國志補注引襄陽耆舊傳云蜀使有五部兵家滇池者識其馬

色云亡父所乘對之流涕其水東流一百四十里逕城南名曰浴馬

港言初得此馬洗之于此因以名之亦云乘出河次浴之又曰洗馬廐渡河宿處名之曰騎亭然候水諸蠻北過是水南壅淮川以周田漑下流入河沔水東南逕黎邱故城西其城下對繕洲秦豐居之故更名秦洲王莽之敗也秦豐阻兵于黎邱黎邱城在觀城西二里建武三年光武遣征南岑彭擊豐四年朱祐自觀城擒豐于黎邱是也沔水又南與疎水合水出中廬縣西南東流至邵縣北界東入沔水謂之疎口也水中有物如三四歲小兒鱗甲如鯪鯉射之不可入七八月中好在磧上

自曝膝頭似虎掌爪常沒水中出膝頭小兒不知欲取
弄戲便殺人或曰人有生得者摘其臯厭可以小使名

爲水虎者也

朱氏謀瑋箋曰孫汝澄云臯厭者水虎之勢也可爲媚藥善使內也一清按董斯張

吹景集曰陶隱居

刀劍錄漢章帝建初八年鑄一金劍

投伊水中厭人膝

之怪引水經語亦與今文小異今伊

水轉爲疎水未詳

摘其鼻句厭字屬下卽厭勝之厭也

太平御覽引十道記

云凍水亦名襄水襄沔記云中廬

有凍水注于沔此水

有物啖人名曰水虎生得者摘其

鼻可小使然則疎者

凍之誤也荆州記生得者摘

其鼻厭可小使名曰

水廬合諸書語益明孫云媚藥

何据使云者如黃公

之制蛇御虎也又山海經云蔓渠

之山伊水出焉有獸

焉名曰馬腹其狀如人面虎身其

音如嬰兒是食人水

唐之爲馬腹審哉海外經云聶耳

國使兩文虎黑齒國

食稻使蛇大荒經焉國中容白民

民之國俱使四鳥虎

豹羆熊司幽黑齒元股三身張宏毛

辭今考古今刀劍錄

云漢章帝建初八年鑄一金劍投

伊水中厭人膝之怪水經注中廬縣疎水中有物如三四歲小兒鱗甲如鯪鯉膝頭似虎掌爪常沒水中出膝頭小兒不知欲取戲弄便殺人名爲水唐形狀與馬服類蓋陶惟以水唐釋馬服非便謂疎水卽伊水也竊更有疑者按史陶以宋孝建三年生梁太清二年卒年八十五太清二年實東魏武定六年西魏大統十四年其時拓拔氏已分爲二道元以孝昌二年被害距通明之歿才二十二年耳南北殊域郵書未必遂行江表藉曰有之不應訛誤若此載籍流傳率多舛繆而此等著錄要爲後人羈亂不特水經注有依傳卽刀劍錄恐亦非隱居之舊也寰宇記襄州襄陽縣下云疎水亦名襄水土人呼疎水上流亦爲襄名卽無定疎之爲疎其誤明矣

又南過卽縣東北

沔水之左有騎城周迴二里餘高一丈六尺卽騎亭也縣故楚邑也秦以爲縣漢高帝十一年

一清按漢書高祖功臣侯表是